

Sukan

INFO SUKAN

NEGARA Brunei Darussalam akan menjadi tuan rumah bagi Kejohanan Golf Antarabangsa 'Richard Mille Brunei Championships (RMBC) yang akan berlangsung mulai 7 hingga 10 Mac 2018 bertempat di The Empire Hotel & Country Club. Seramai tujuh pemain golf tempatan akan mewakili negara mempamerkan kehebatan mereka pada kejohanan tersebut.



ePaper Pelita Brunei

Kayuhan 44 kilometer Berbasikal Varsiti 3.0



Berita dan Foto : Aimi Sani

(UTB) Ke-44 Tahun diadakan hari ini.

Hadir menyertai acara berbasikal varsiti tersebut ialah Naib Canselor UBD, Datin Dr. Dayang Hajah Anita Binurul Zahrina binti Pehin Orang Kaya Laila Wijaya Dato Seri Setia Haji Awang Abdul Aziz; Rektor UNISSA, Dr. Haji Norarfan bin Haji Zainal dan Naib Canselor UTB, Profesor Dr. Dayang Hajah Zohrah binti Haji Sulaiman.

Acara berbasikal tersebut juga melibatkan pegawai-pegawai kanan, pensyarah-pensyarah, kakitangan, mahasiswa serta mahasiswa universiti-universiti berkenaan dan juga orang awam.

Upacara pelepasan para peserta disempurnakan oleh Timbalan Naib Canselor UTB, Profesor Dr. Zuruzi Abu Samah.

Para peserta berbasikal sejauh 44 kilometer melalui Lebuhraya Tungku dan Lebuhraya Sultan Hassanalk Bolkiah, menuju Jabatan Perdana Menteri bagi membuat perhentian sebelum berkeyuh pulang ke ILIA, UBD.

ANTARA yang menyertai Acara Berbasikal Varsiti 3.0 sempena Hari Puja Usia Duli Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah ibni Kebawah Duli Yang Maha Mulia Paduka Seri Baginda Sultan Haji Hassanalk Bolkiah Mu'izzaddin Waddaulah, Menteri Kanan di Jabatan Perdana Menteri, selaku Pro Canselor Universiti Brunei Darussalam (UBD), Universiti Islam Sultan Sharif Ali (UNISSA) dan Universiti Teknologi Brunei (UTB) Ke-44 Tahun.

BANDAR SERI BEGAWAN, Ahad, 4 Mac. - Acara Berbasikal Varsiti 3.0 sempena Hari Puja Usia Duli Yang Teramat Mulia Paduka

Seri Pengiran Muda Mahkota Pengiran Muda (Dr.) Haji Al-Muhtadee Billah ibni Kebawah Duli Yang Maha Mulia Paduka

Seri Baginda Sultan Haji Hassanalk Bolkiah Mu'izzaddin Waddaulah, Menteri Kanan di Jabatan Perdana Menteri, selaku Pro Canselor

Universiti Brunei Darussalam (UBD), Universiti Islam Sultan Sharif Ali (UNISSA) dan Universiti Teknologi Brunei

Indera SC hampakan IKLS FC, 4 - 1

Berita dan Foto : Ak. Syi'aruddin Pg. Dauddin

BERAKAS, Ahad, 4 Mac. - Pasukan Indera SC berjaya mara ke pusingan seterusnya dalam aksi Piala FA Brunei DST 2017 setelah menghampakan pasukan IKLS FC dengan jaringan 4 - 1 pada perlawanan yang berlangsung di Kompleks Sukan Berakas, di sini.

Md. Zulkhairi bin Razali beraksi cemerlang setelah menjaringkan dua gol sebelum Naziruddin bin Haji Ismail dan Md. Asri bin Haji Aspar masing-masing manjaringkan satu gol bagi pasukan Indera SC, manakala gol tunggal dari pasukan IKLS FC dijaringkan oleh Md. Razi bin Haji Lamit.

Sepuluh masa pertama dimulakan dengan pasukan Indera SC dengan bijak mengawal permainan yang berjaya membolosi gawang pasukan IKLS FC seawal minit ke-24 menerusi Md. Zulkhairi.

Pasukan IKLS FC pula

kemudiannya berjaya menyamakan kedudukan menerusi serangan balas yang disudahi dengan baik oleh Md. Razi selang empat minit kemudian.

Persembahan hebat daripada Md. Zulkhairi sekali lagi berjaya membawa pasukan Indera SC untuk mendahului jaringan setelah menjaringkan gol jarak jauh pada minit ke-43.

Babak kedua perlawanan menyaksikan pasukan Indera SC terus mengawal permainan dan berjaya menambah gol menerusi Naziruddin pada minit ke-76, sekali gus menjarakkan kedudukan.

Md. Asri seterusnya berjaya menambah derita pasukan IKLS FC untuk golnya pada minit ke-87 menerusi sepakan percuma jarak jauh yang dihadiahkan oleh pengadil.

Tamat perlawanan pasukan Indera SC 4, pasukan IKLS FC 1.



ANTARA aksi pemain pasukan IKLS FC (kanan) semasa cuba merebut bola daripada pemain pasukan Indera SC pada perlawanan Piala FA Brunei DST 2017.

BERITA-BERITA HARIAN BOLEH DIKUTI DI LAMAN SESAWANG : www.pelitabrunei.gov.bn

HAPUSKAN SIFAT TAMAK DENGAN SIFAT QANA'AH

دربیتکن اوله جباتن فتراغن، جباتن فردان منتری دان دجیتق اوله جباتن فرجیتقن کراجان، نگارا برونی دارالسلام.

Diterbitkan oleh Jabatan Penerangan, Jabatan Perdana Menteri dan dicetak oleh Jabatan Percetakan Kerajaan, Negara Brunei Darussalam.